



Ukwakira / Oktober 2019

Kinyarwanda

## Mujye mutanga namwe muzahabwa.

(Lk 6,38)

**Kontakt:** Meinolf Wacker  
Kirchplatz 7  
59174 Kamen

**Mobil.:** +49-172-5638432  
**Mail:** [meinolf.wacker@go4peace.eu](mailto:meinolf.wacker@go4peace.eu)  
**Homepage** [www.go4peace.eu](http://www.go4peace.eu)

---

### Ba ufatika! Be concrete!

Nshuti bakunzi b'ijambo!

Hari ku wa gatanu mutagatifu – bwije nimugoroba. Kuko mu Bufaransa uyu muni atari uw'iki-ruhuko, yashoboye gufata urugeno nyuma ya saa kumi n'ebiyiri. Saa tanu z'ijoro ni ubwo yari ahageze. Twembi twagiye kumufata kuri gare ya gariyamoshi. Yari yakoze urwo rugendo kugira ngo azabe ari mu birori by'isakaramentu ry'ugukomezwa inshuti ye yiteguraga guhabwa. Ni uko bombi bongera guhura nyuma y'igihe kinini badaherukanye. Byari ibyishimo byinshi cyane ku buryo natwe aba ari aho twari twatwawe. Umunsi wakurikiye ho wari uw'imyiteguro. Twateguraga umunsi mukuru wa Pasika dufatanyije n'urubyiruko. Elodiya wakomokaga mu mugwi wegereye Paris yahise adusanga a-rafusha. Yaritangaga uko yari ashoboye kose.

Igitaramo cya Pasika cyaratangiye. Inshuti ye yahawe isakaramentu ry'ugukomezwa. Byari ibintu bidasanze byakoze benshi ku mutima. Nietegereje Elodiya. Yari yatwawe wese. Amaso ye yari ameze nk'irembo rijyana mu ijuru, yari yuzuye amahoro n'ibyishimo. Nyuma y'iminsi ibiri yasubiye iwabo i Parisi. Yaje kunyandikira: „Urabizi, numvaga mbabaye kubera ko hari hashize igihe kinini naribagiye icyo bivuze by'ukuri ko Imana ihari mu buzima bwanjye. None numvise ko nshobora kuyisaba byose kuko ihari kandi nanjye mpora ntumiriwe gusabira n'abandi. Ibi nashoboye kubisobanukirwa muri iyi minsi.“

Nahise nibuka Madeleine Delbr el, ukuntu mu myaka ye y'ubuti yashoboye kumenya ko umuntu ashobora gukunda Imana nk'uko ushobora gukunda undi muntu, ibyo bikaba byarahise bihindura ubuzima bwe bwose. Aya mahirwe ni yo Elodiya yagize muri kiriya gihe. Kuva icyo gihe na we yiyemeje gufata inzira yuzuye ibyishimo by'uko aza guhurira na Yezu mu bantu bose yahuraga na bo mu mugwi yari atuyemo, Uwo yahuraga na we wese yamuzirakanaga ku mutima akamutura Imana mu isengesho.

„Mujye mutanga namwe muzahabwa!“ Iyi ni yo nama Yezu yagirise inshuti ze. Yongeye ho ati: „Mu cyibo gishimishije, gitsindagiye, gicugushije, gisheshekaje, ni cyo muzasubirizwamo!“ Uyu munzero w'ubuzima nagize amahirwe yo kuwubona mu maso ya Elodiya. Yatanze amagana y'ibiro-metero kugira ngo aze mu birori by'inshuti ye. Yasubiye iwabo agabiye byinshi cyane. Imana yashoboye kongera kumukora ku mutima. Yarakiriye bishimishije kandi bisheshekaje. Urukundo rwitanga rufatika iteka. Ngaho rero: **Ba ufatika! (kunda bifatika) – Be concrete!**